

Bankerblues

In de Schul war de Bubb schon schwer versaud,
had geloeche un betrooche un geschnorrd un geklaud,
doch sein Alde war geschdoppd, drum Gott sei Dank
kam de Bub nach de Schul in die Lehr bei die Bank.
Drum gugg isch Banker uff die Finger un isch gugg genau,
selbsd wenn er e Krawädsche dräscht: Sau bleibd Sau.

Mit Bladdebaude in Biddäfeld
macht unser Held sei erstes Geld:
Immobilie für die Rent un die Leut ham geblut
un für die Bank un für ihn un's Geschäft war's gut.
Drum guck isch...

En Kredit grischd nur der, wo'en nedd brauchd
un de Banker Provisione bis es rauchd.
Am End war de Bub de Scheff von de Bank,
geldgeil, fedd un maachekrang
Drum guck isch...

Am Schluss gab's doch e häppy End:
'N Mensch had'e CD gebrennd.
Mit viele Promis frank und frei
un unser Bub war aach debei.
Drum guck isch...

Mir schaffe uns die Finger wund,
für achd fuffzisch in de Schdund
un Rende gibd's dann - obergeil -
im Groschedibbe uff de Zail.
Drum guck isch...